



Broj: 13-14-683/19

Datum: 30.7.2019.godine.

Na osnovu člana 70 stav (3) Zakona o javnim nabavkama ("Službeni glasnik Bosne i Hercegovine" broj 39/14), člana 146 Statuta Općine Novo Sarajevo ("Službene novine Kantona Sarajevo" broj 35/10) i člana 200 Zakona o upravnom postupku ("Službene novine Federacije BiH" broj 2/98 i 48/99), a na prijedlog Komisije za javnu nabavku, Općinski načelnik d o n o s i

R J E Š E N J E o poništenju postupka javne nabavke

Poništava se postupaka javne nabavke roba „Nabavka školskih lektira za učenike osmog i devetog razreda osnovnih škola“.

O b r a z l o ž e n j e

Ugovorni organ je pokrenuo postupak javne nabavke „Nabavka školskih lektira za učenike osmog i devetog razreda osnovnih škola“ putem konkurentskog postupka sa namjerom provođenja e-aukcije, a na osnovu Zaključka Općinskog načelnika broj: 13-14-683/19 od 8.7.2019 god.

Obavještenje o javnoj nabavci broj: 935-7-1-117-3-91/19 od 17.07.2019.godine, poslano je na objavu na Portal javnih nabavki.

Komisija za javnu nabavku roba je imenovana Zaključkom Općinskog načelnika broj:13-14-683/19 od 8.7.2019. godine.

Komisija za javnu nabavku roba je dana 26.7.2019 god. u 12⁰⁰ sati izvršila javno otvaranje 2 pristigle ponude, te o tome sačinila Zapisnik o otvaranju ponuda, koji je blagovremeno dostavljen svim ponuđačima.

Nakon izvršenog otvaranja ponuda Komisija je konstatovala da se ponuđač „LIJEPA RIJEČ“ d.o.o.Tuzla ne nalazi u Izvještaju o ponuđačima koji su podigli tendersku dokumentaciju za predmetnu javnu nabavku, sa Portala javnih nabavki, te se ponuda neregistrovanog ponuđača i nije mogla uzeti u daljnje razmatranje.

Komisija je uzela u razmatranje ponudu „Robert's Plus“ d.o.o Sarajevo, te konstatovala da je ponuda potpuna i u skladu sa zahtjevanim u tenderskoj dokumentaciji, ali da ukupna cijena ponude prelazi budžetska sredstva osigurana za predmetnu javnu nabavku.

Komisija za javne nabavke je jednoglasno predložila Općinskom načelniku da poništi predmetnu javnu nabavku, u skladu sa čl.69 stav (2) tačka tačka e) Zakona o javnim nabavkama BIH.

U postupku donošenja ovog Rješenja, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjele ponude, shodno kriterijima iz tenderske dokumentacije.

U postupku ocjene provedenog postupka Općinski načelnik nije našao razloge, nepravilnosti niti propuste u radu, koji bi eventualno bili osnov za neprihvatanje prijedloga Komisije za javnu nabavku. Naime, u postupku je ocijenjeno da je Komisija u svemu pravilno postupila u skladu sa Zakonom o javnim nabavkama, podzakonskim aktima i tenderskom dokumentacijom.

Iz navedenih razloga, primjenom člana 69 Stav 2) tačka e) Zakona o javnim nabavkama BiH, odlučeno je kao u dispozitivu.

Pouka o pravnom lijeku:

Protiv ovog Rješenja može se izjaviti žalba, najkasnije u roku od 5 (pet) dana od dana prijema.

Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 107. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH.



DOSTAVITI:

- „LJEPJA RIJEČ“ d.o.o. Tuzla
- „Robert's Plus“ d.o.o Sarajevo
- a/a

Općina Novo Sarajevo, ulica Zmaja od Bosne br. 55, centrala telefon (387 33) 492 100
Služba za zajedničke poslove

tel: (387 33) 492 113, fax: (387 33) 492 338, email: zajednickiposlovi@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun (za uplatu svih javnih prihoda): 3380002210023628 UniCredit Bank d.d. Sarajevo;

Transakcijski računi (za isplatu svih obaveza): 1610000019280022 Raiffeisen bank d.d. Sarajevo;

3386902296664459 UniCredit Bank d.d. Sarajevo;

1020500000098065 Union Banka d.d. Sarajevo; 1413065320060897 Bosna Bank International d.d.